

¡BOMBA!

El tío Richi en abonos
liquida deuda fiscal;
y al Fobaproa, ni asomos
de verle el pago final



K'untzil

Jueves 10 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2808 · www.lajornadamaya.mx

DOF tu k'a'aytaj u nu'ukbesajil Educal 2026-2030; táan u yila'al u ma'alobkíinsa'al u kúuchil áanalte'ob

U nu'ukbesajil Educal 2026-2030, tu'ux ku kaxta'al u k'ujsa'al áanalte'ob ti' kaajo'ob talam u k'uchul máak, beyxan u ma'alobkúunsa'al u kúuchil áanalte'ob yéetel le tu'ux ku péektsilta'al maitzil, k'a'ayta'ab le miércoles máanika' ichil Diario Oficial de la Federación (DOF).

Uláak' ba'al ku kaxta'al, je'el bix chíikpaj te'el ju'un jts'a'ab k'ajóoltbilo', leti' "u mu'uk'ankúunsa'al ba'ax ku beeta'al ti'al u k'itbesa'al yéetel u ko'onol áanalte'ob beyxan u nu'ukulilo'ob

kaambal yéetel le ku péektsiltik miatsil meyajta'an tumen Educale', tu'ux xan ka béeyak u mu'uk'ankúunsa'al múul meyaj yéetel Fondo de Cultura Económica (FCE), ti'al u ts'aatáanta'al ka yanak áanalte'ob ichil tuláakal u nojlu'umil México; je'el bix xan "u ya'abtal u táakpajal Educal ti' cha'ano'ob yéetel uláak' meyajto'ob tu'ux ku péektsilta'al xook".

Ts'iib jts'a'ab k'ajóoltbile' ku ya'alik ka'aj ts'o'ok u meyajil u ja'abil 2025e', ti' Educale' "yaan 68 u p'éel u

kúuchilo'obi' (62e' tu beel u meyaj yéetel wakup'éel k'ala'an junjaats k'iino'ob), ts'o'oke' yaan xan wakup'éel Librobús ku máan u xiinximbalt náach mejen kaajo'ob. Ichil tuláakal le je'elo', ku béeytal u k'uchul xook ti' 29 p'éetlu'umo'ob, beyxan Ciudad de México. Tu ja'abil 2025e' ts'aatáanta'ab 2 millonesil 901 mil 201 u túul máak, ts'o'oke' ku tukulta'ale', ti'al 2026e' yaan u ts'aatáanta'al 2 millonesil 550 u túul máak".

Nu'ukbesaje' ku jets'ik tu lu'umil Méxicoe' "u yantal

áanalte'ob yéetel uláak' u nu'ukulo'ob péektsiltik miatsile', láayli' jump'éel nojmeyaj unaj u beeta'al ti'al u mu'uk'anchajal kaambal yéetel u belbesa'al u kuxtal máak". Ku yila'al xan u datosil Encuesta Nacional sobre Prácticas y Consumo Culturales (Inegi, 2024) beyxan u indicadoresil Unesco, tu'ux chíikpaj u noj lu'umil Méxicoe' ti' yaan ichil u ts'ook kúuchilo'ob yóok'olal áanalte'ob ku xo'okol tumen juntúul wíinik ichil jump'éel ja'ab ti' tuláakal yóok'ol kaab.

